

Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
OPĆINSKI NAČELNIK

Broj: 03-13-182/26
Vogošća, 05.02.2026. godine

**OPĆINSKO VIJEĆE
VOGOŠĆA**

PREDLAGAČ: Općinski načelnik

OBRADIVAČ: Služba za privredu, integrisani lokalni razvoj i društvene djelatnosti

PREDMET: Odluka o davanju saglasnosti za provođenje postupka dodjele koncesije za izgradnju i korištenje postrojenja za pretvaranje energije sunca u električnu energiju (fotonaponsko postrojenje – solarna elektrana) za Aida Commerce d.o.o., Sarajevo

Dostavljamo Vam na razmatranje i usvajanje Odluku o davanju saglasnosti za provođenje postupka dodjele koncesije za izgradnju i korištenje postrojenja za pretvaranje energije sunca u električnu energiju (fotonaponsko postrojenje – solarna elektrana) za Aida Commerce d.o.o. Sarajevo

OPĆINSKI NAČELNIK

Migdad Hasanović

Na osnovu člana 6. stav (1) tačka 4. i člana 20. stav (2) Zakona o koncesijama ("Službene novine Kantona Sarajevo", br. 27/11, 15/13 i 1/22), člana 13. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09) i člana 70. stav (1) tačka 2. Statuta Općine Vogošća ("Službene novine Kantona Sarajevo", br. 27/14 – prečišćeni tekst, 14/15, 9/20 i 23/24), a u postupku razmatranja zahtjeva za davanje saglasnosti za provođenje postupka dodjele koncesije za izgradnju i korištenje postrojenja za pretvaranje solarne energije u električnu energiju, Općinsko vijeće Vogošća na ____ sjednici, održanoj dana _____ 2026. godine, donosi:

Prijedlog

ODLUKU

O DAVANJU SAGLASNOSTI ZA PROVOĐENJE POSTUPKA DODJELE KONCESIJE ZA IZGRADNJU I KORIŠTENJE POSTROJENJA ZA PRETVARANJE ENERGIJE SUNCA U ELEKTRIČNU ENERGIJU (FOTONAPONSKO POSTROJENJE – SOLARNA ELEKTRANA) ZA AIDA – COMMERCE D.O.O. SARAJEVO

Član 1.

Daje se saglasnost privrednom društvu „Aida Commerce“ d.o.o. Sarajevo, sa sjedištem u ulici Krivoglavci b.b., Vogošća, za provođenje postupka dodjele koncesije za izgradnju i korištenje postrojenja za pretvaranje energije sunca u električnu energiju – solarne elektrane instalisane snage 149,9 kW na lokalitetu Krivoglavci b.b., Općina Vogošća na zemljištu označenom kao k.č. broj 1251 k.o. Svrake.

Član 2.

Saglasnost iz člana 1. ove Odluke važi 3 (tri) godine od dana stupanja na snagu ove Odluke. Ukoliko privredno društvo „Aida Commerce“ d.o.o. Sarajevo u navedenom roku ne zaključi ugovor o koncesiji sa nadležnim ministarstvom, ova saglasnost prestaje da važi bez potrebe za donošenjem posebnog akta.

Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj:
Vogošća,

**PREDSJEDAVAJUĆI
OPĆINSKOG VIJEĆA VOGOŠĆA**

Nihad Hadžić

O b r a z l o ž e n j e

Pravni osnov za donošenje Odluke o davanju saglasnosti za provođenje postupka dodjele koncesije za izgradnju i korištenje postrojenja za pretvaranje energije sunca u električnu energiju (fotonaponsko postrojenje – solarna elektrana) za „Aida Commerce“ d.o.o. Sarajevo sadržan je u članu 6. stav (1) tačka 4 i članu 20. stav (2) Zakona o koncesijama ("Službene novine Kantona Sarajevo", br. 27/11, 15/13 i 1/22) koji propisuju da je "predmete koncesije" moguće dodijeliti, između ostalog i za „izgradnju i/ili korištenje postrojenja za pretvaranje energije sunca u električnu energiju“, kao i obavezu pribavljanja saglasnosti općinskog vijeća prije potpisivanja ugovora o dodjeli koncesije. Članom 13. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09) definisane su nadležnosti Općinskog vijeća za donošenja akata, dok je članom 70. stav 1. tačka 2. Statuta Općine Vogošća ("Službene novine Kantona Sarajevo", br. 27/14 – prečišćeni tekst, 14/15, 9/20 i 23/24) definisano da je Općinsko vijeće nadležno da donosi odluke, druge propise i opće akte i daje njihovo tumačenje.

Razlozi za donošenje

Privredno društvo „Aida Commerce“ d.o.o. Sarajevo, sa sjedištem u ulici Pijačna br.13 Ilidža, podnijelo je Općini Vogošća zahtjev za davanje saglasnosti Općinskog vijeća u skladu sa članom 6. stav (1) tačka 4. Zakona o koncesijama Kantona Sarajevo („Službene novine Kantona Sarajevo“, broj: 27/11, 15/13 i 1/22), kao prethodni korak u postupku dodjele koncesije za izgradnju i korištenje fotonaponske elektrane za proizvodnju električne energije iz obnovljivih izvora – solarne energije. Namjera podnosioca zahtjeva je izgradnja postrojenja ukupne snage 149,9 kW na lokalitetu Krivoglavci b.b. u Vogošći, na zemljištu označenom kao k.č. broj 1251 k.o. Svrake. Projekt je usklađen sa strateškim ciljevima Kantona Sarajevo i Općine Vogošća u oblasti unapređenja energetske efikasnosti, povećanja udjela obnovljivih izvora energije i održivog razvoja.

U skladu sa zakonskim odredbama, dodjela koncesije za korištenje prirodnih dobara i izgradnju postrojenja zahtijeva prethodnu saglasnost jedinice lokalne samouprave na čijoj teritoriji se planira realizacija projekta. S obzirom da se lokacija i djelatnost nalaze u administrativnim granicama Općine Vogošća, nadležna služba pripremila je odluku za Općinsko vijeće.

Saglasnost se daje na period od tri (3) godine, u kojem je privredno društvo dužno zaključiti ugovor o koncesiji sa nadležnim ministarstvom. Ograničavanje roka važenja saglasnosti uvodi pravnu sigurnost i jasnoću u postupku, te osigurava da se eventualna neaktivnost ili promjene na strani investitora ne zadrže kao otvoreno pravno stanje koje bi onemogućilo druga ulaganja ili planiranje na predmetnoj lokaciji.

Predložena odluka je u skladu sa zakonskim ovlaštenjima Općinskog vijeća, Statutom Općine Vogošća i interesima lokalne zajednice, te se ista stavlja vijeću na razmatranje i usvajanje.

Finansijska sredstva

Donošenjem ove odluke ne nastaju direktne finansijske obaveze za budžet Općine Vogošća. S druge strane, eventualnim zaključenjem ugovora o koncesiji, Općina može ostvariti prihod po osnovu koncesione naknade, shodno članu 24. Zakona o koncesijama Kantona Sarajevo, kojim je propisano da se sredstva raspodjeljuju u omjeru 60 % jedinici lokalne samouprave i 40 % kantonalnom budžetu.